



Protokolo de la Estrar-kunsido de ELI, la 7-a de Marto 2022

Ĉeestantoj: Jehoŝua Tilleman, Dror Gaon, Avigail Meŝulam, Inbar Mor, Ŝaj Mor (parte), Amri Wandel (fizike); Mikaelo Lineckij, Ŝlomo Ŝaĥar, Eran Juval-Vodevoz, Gabi Zeevi (zome). **Gastoj** (parte): Jinon Meiri, François Lo Jacomo, Enrique (Kalifornio).

Protokolo de la pasinta (februara) kunsido estis sendita al la estraranoj kaj enretigita.

1. Raportoj

a) **Jehoŝua:** la sendataj malnetoj de la protokoloj aspektas fuŝe printitaj – sekve ni uzu kongruajn formojn de la teksto-prilaborilo; jam sendis la etiked-listojn al Mikaelo. Mikaelo sendos al Amri la pretajn kovertojn (kun la adresoj).

b) **Amri:** en la ĵusa kunveno partoprenis pli ol 30 homoj, ĉ. 20 el eksterlando. Mikaelo gvidis emocian prezentadon de Ukrainio kaj diskuton pri la milito.

2. La 22-a Israela Kongreso (Jehoŝua, Amri)

a) Dum la konfirmo al la hotelo **Jehoŝua** certiĝis per “dorsosaka” demando pri la prezo, kaj tiel evidentiĝis, ke la prezo estus 450 NIS por unu nokto por unu persono, do, 1,800 NIS por paro por du noktoj. **Amri** minacis turni al la Asocio de Hoteloj pro la nebula formulado de la kontrakto. Estis atingita kompromisa solvo: ni rezignos pri la vespermanĝoj, kaj la fina prezo estos **1,200 NIS por paro por du noktoj**, do la israelanoj pagos iom pli (600 NIS anstataŭ 450 po persono en dulita ĉambro). Por la eksterlandanoj: la diferenco estas sorbebla **de ELI**, ĉar la prezo antaŭvidis margenon por kurzoŝanĝoj kaj programkosto.

b) **Amri:** Ĝis nun 8 homoj mendis la 5-tagan postkongresan ekskurson, kaj ankaŭ la gastejoj (Jerusalemo, Ein Gedi, Eilat, Jordanio) estas menditaj.

3. Deklaracio pri la ukraina-rusia milito (Ŝaj, Amri)

Amri: la teksto estas sufiĉe milda, esence kontraŭmilita, sen apogo de unu el la flankoj, kvankam enestas pluraj eraroj – tajpaj kaj gramatikaj. **Decido:** (unuanime) Amri kaj Jehoŝua telefone poluros, poste Amri afiŝos ĝin en ELI-listo kaj UEA-medioj nome de ELI.

4. Magazeno

Jehoŝua: la helpisto de Jinon taksas la kvanton je ĉ. 5,000 libroj.

5. Asekuro de la Dratwerejo (Ŝlomo)

Ŝlomo daŭrigis la traktadon, ĉar la asekuro finiĝis la 28-an de Februaro (kvankam ne menciis ĉi tion el sia antaŭa retletero al la estraranoj). **Eran:** ankoraŭ eblas trarigardi la detalojn, modifi, kaj fari eble malpli kostan kontrakton. **Aliaj:** la eventuala diferenco ne pravigas re-traktadon. **Decido:** venontfoje Ŝlomo anticipu atentigu la Estraron pri la finiĝo de la asekuro.



6. Oficejo (Amri)

a) Ĝis nun nenio nova de Bar Vardi, la luigo-administranto de nia etaĝo. Amri parolis kun la peranto de la Dratverejo pri luigo de nia oficejo, kaj tiu promesis sendi prez-oferton (ankoraŭ ne faris).

La venonta kunsido: lunde, la 4-an de Aprilo 2022, je la 20h00 (Alon-turo, hibride)

Protokolis: Gabi Zeevi